

SKIPULAGSSKRÁ

Listasafns Sigurjóns Ólafssonar.

Nafn og stofnsetning.

1. gr.

Með skipulagsskrá þessari stofnsetur Inga Birgitta Spur, nnr. 4545-5297, Laugarnestanga 70, Reykjavík sjálfseignarstofnun, sem ber heitið „Listasafn Sigurjóns Ólafssonar“. Formleg stofnsetning þessarar sjálfseignarstofnunar er í beinu framhaldi af stofnun einkasafns, er bar sama heiti og sett var á stofn 1. desember 1984, og rennur í raun einkasafnið inn í sjálfseignarstofnunina.

2. gr.

Sjálfseignarstofnunin hefur sérstakan fjárhag og er sjálfstæður skattaðili með heimilisfang að Laugarnestanga 70, 105 Reykjavík og með varnarþing á sama stað. Kennitala stofnunarinnar er 490885-0809.

Tilgangur og markmið.

3. gr.

Það eru meginmarkmið þessarar sjálfseignarstofnunar að varðveita listaverk Sigurjóns Ólafssonar, stuðla að því að almenningur fái notið listar hans og að vinna að því að framlag Sigurjóns á sviði myndlistar nýtist til heilbrigðrar þróunar menningarlífs á Íslandi.

4. gr.

Þessum markmiðum sínum hyggst sjálfseignarstofnunin ná með eftirfarandi hætti:

- (a) að annast um listaverk Sigurjóns, forða þeim frá skemmdum og geyma þau á réttan hátt,
- (b) að standa fyrir sýningum á verkum hans, sérsýningum eða samsýningum, í sjálfru listasafninu eða annars staðar,
- (c) að vinna að gerð heildarskrár yfir verkin, taka af þeim ljósmyndir og skrásetja eigendur,
- (d) að auðvelda nemendum, ekki síst í listaskólum, að kynnst list Sigurjóns,
- (e) að standa fyrir útgáfustarfsemi til kynningar á list Sigurjóns,
- (f) að stuðla að fræðilegum rannsóknum á list Sigurjóns og framlagi hans til þróunar myndlistar,
- (g) að tengja starfið í listasafninu öðrum listgreinum eftir því sem við verður komið,
- (h) að hafa uppi öll önnur tiltæk ráð til þess að tilganginum með sjálfseignarstofnuninni verði náð.

Stofnfé, tekjur og gjöld.

5. gr.

Stofnandi leggur sjálfseignarstofnuninni til eftirfarandi eignir sem óendurkræft stofnfé:

- (a) Áttatíu listaverk eftir Sigurjón Ólafsson samkvæmt sérstakri skrá, sem fylgir þessari skipulagsskrá. Með eru talin öll þau verk, sem einkasafnið hafði heimildir til að láta gera afsteypur af í fjáröflunarskyni fyrir endurbyggingu vinnustofu Sigurjóns Ólafssonar að Laugarnestanga. Hér er rétt að taka sérstaklega fram, að Birgitta Spur, sem á höfundarétt að öllum verkum Sigurjóns Ólafssonar, skuldbindur sig með skipulagsskrá þessari til að heimila nýtingu höfundaréttarins í hvert skipti til að gera afsteypur af þeim listaverkum, sem hér eru afhent, í því skyni að afla stofnuninni tekna, enda sinni stofnunin hlutverkum sínum samkvæmt 3. og 4. gr.

- (b) Allar fasteignir að Laugarnestanga 70 í Reykjavík ásamt öllu, sem þeim fylgir og fylgja ber, þ.m.t. væntanleg lóðarréttindi, en hér er um að ræða endurbyggða vinnustofu Sigurjóns, nýja tengibyggingu og íbúðarhús, allt í því ástandi, sem þessar fasteignir eru nú í. Ennfremur fylgja allar innréttingar og húsgögn, þ.m.t. flygill af Bösendorfer gerð. Meðfylgjandi er skrá yfir framangreindar fasteignir ásamt brunabótamati þeirra.
- (c) Öll verkfæri og vinnuskissur Sigurjóns Ólafssonar, sem til staðar eru í þessu húsnæði.
- (d) Allar birgðir af kortum og bókum, sem Styrktarsjóður Listasafns Sigurjóns Ólafssonar hefur gefið út, sem til eru í húsnæðinu og tilheyrðu áður einkasafninu.
- (e) Allar ljósmyndir af verkum Sigurjóns Ólafssonar, sem eru í eigu einkasafnsins.

6. gr.

Varðandi stofnféð, sem lýst er í 5. gr., þarf að taka fram, að sjálfseignarstofnunin tekur að sér að greiða skuldir, sem einkasafnið er nú í vegna uppbyggingar og rekstrar safnsins til þessa. Skipulagsskránni fylgir skrá yfir þessar skuldir.

7. gr.

Tekjur stofnunarinnar eru sem hér segir:

- (a) ávöxtunartekur stofnfjár,
- (b) tekjur af nýtingu húsnæðis og aðstöðu,
- (c) sölutekjur af afsteypum mynda, ljósmyndum, jólakortum og fleiru slíku,
- (d) gjafir og framlög frá velunnurum safnsins,
- (e) almennar rekstrartekjur safnsins,
- (f) aðrar tekjur.

8. gr.

Útgjöld stofnunarinnar eru sem hér segir:

- (a) kostnaður við að sinna hlutverkum stofnunarinnar samkvæmt 3. og 4. gr., þ.m.t. viðhaldskostnaður fasteigna,
- (b) almennur rekstrarkostnaður safnsins,
- (c) önnur útgjöld.

9. gr.

Gæta skal hagsýni í hvívetna við meðferð eigna stofnunarinnar með framtíðarhagsmuni hennar og hlutverk í huga.

Stjórn.

10. gr.

Stjórn sjálfseignarstofnunarinnar, sem nefnist safnstjórn, skal skipuð 5 einstaklingum og 2 til vara. Birgitta Spur situr í stjórn og skal vera formaður hennar meðan hún óskar þess. Hún velur með sér 2 menn í stjórn og 1 til vara og skal hún tilkynna aðalfundi, sbr. 23. gr., hverjir verða tilnefndir af henni. Eftir að Birgittu nýtur ekki við, gengur stjórnarsæti hennar til þess, sem hún hefur til þess valið, og svo þannig mann fram af manni. Sá sem situr í því sæti hefur rétt til að skipa 2 stjórnarmenn sér til hliðar og 1 til vara. fulltrúaráðið, sem stofnað er með þessari skipulagsskrá, tilnefnir þá stjórnarmenn, sem upp á vantar að fullri tölu stjórnarmanna sé náð.

11. gr.

Kjörtímabil stjórnarmanna er 4 ár. Ef forföll verða þannig að stjórnin verður ekki fullskipuð, skulu tilnefningaraðilarnir skipa nýja menn í samræmi við 10. gr. hér að framan. Falli Birgitta eða eftirmaður hennar frá án þess að hafa gert ráðstafanir um eftirmann, skal fulltrúaráðið skipa mann í hennar stað eftir bestu sannfæringu um heildarhagsmuni safnsins.

12. gr.

Safnstjórn heldur fundi, þegar þurfa þykir, og ræður afl atkvæða úrslitum allra mála. Rita skal fundargerðir stjórnarfunda.

13. gr.

Safnstjórn stýrir daglegum rekstri safnsins, hefur allt framkvæmdavald stofnunarinnar á hendi og ræður öllum málefnum hennar til lykta með þeim takmörkunum, sem greindar eru í skipulagsskrá þessari. Safnstjórn ber ábyrgð á því, að meginmarkmiðum stofnunarinnar, eins og þeim er lýst í 3. og 4. gr., verði náð.

14. gr.

Safnstjórn má veðsetja húseignir sjálfseignarstofnunarinnar fyrir lánum í hennar þágu, en 3 stjórnarmenn þurfa að samþykkja veðsetninguna.

15. gr.

Safnstjórn ræður forstöðumann safnsins og skulu laun hans og starfskjör miðuð við það, sem tíðkast hjá opinberum starfsmönnum, er vinna skyld störf. Forstöðumaður hefur prókúruumboð stofnunarinnar.

16. gr.

Ef og meðan Birgitta óskar þess, skal hún ráðin forstöðumaður og gerður um það ráðningarsamningur við hana. Án tillits til þess, hvort hún er forstöðumaður eða ekki, hefur Birgitta rétt til að búa leigulaust í íbúðarhúsinu, sem tengt er við safnið, meðan hún óskar þess.

17. gr.

Safnstjórn skal gæta almennra lagaákvæða um sjóði með skipulagsskrá eftir því sem við á.

18. gr.

Komi til þess, að engin stjórn sé starfhæf í stofnuninni, af hvaða ástæðum sem er, skal menntamálaráðuneytið hlutast til um að fá þá aðila, sem hér hafa skyldum að gegna samkvæmt skipulagsskránni, til að fullnægja þeim skyldum, ella skipa nýja stjórnarmenn til að veita stofnuninni forystu.

19. gr.

Safnstjórn semur árlega skýrslu um starfsemi stofnunarinnar og leggur hana fyrir aðalfund sbr. 23. gr. Jafnframt semur hún ársreikninga stofnunarinnar og leggur þá endurskoðaða fyrir aðalfundinn, sem afgreiðir þá. Reikningsárið er almanaksárið.

Fulltrúaráð.

20. gr.

Stofnsett skal fulltrúaráð sjálfseignarstofnunarinnar og skal það skipað 12 einstaklingum. Í upphafi skipar Birgitta Spur alla 12 einstaklingana en þegar fram líða stundir endurnýjar fulltrúaráðið sig sjálft, þannig, að á aðalfundi eftir eitt ár ganga 3 ráðsmenn úr því eftir stafrófsröð fornafna og skal þá ráðið kjósa menn til 4 ára í þeirra stað. Þetta skal endurtaka sig þrjá aðalfundi. Heimilt er að endurkjósa fulltrúa í ráðið. Að öðru leyti kýs fulltrúaráðið eftirmenn þeirra.

21. gr.

Fulltrúarráðinu er fengið það hlutverk með þessari skipulagsskrá að stjórna sjálfseignarstofnuninni með Birgittu Spur samkvæmt þeim reglum um verkaskiptingu, sem felast í

skipulagsskránni. Meginhlutverk ráðsins er að tilnefna 2 einstaklinga í stjórn stofnunarinnar og 1 til vara, til fjögurra ára í senn, svo og tilnefna fleiri, ef upp kemur sú staða, sem rætt er um í 11. gr.

22. gr.

Fulltrúaráðið velur sér formann og varaformann til 4 ára, og er það starf formannsins að sjá um að fulltrúaráðið sinni verkefnum sínum samkvæmt þessari skipulagsskrá. Á fulltrúaráðsfundum gilda almenn fundarsköp og ræður einfaldur meirihluti úrslitum allra mála. Ef atkvæði eru jöfn, ræður atkvæði formanns fulltrúaráðs. Halda skal gerðabók. Stjórn safnsins getur boðað fulltrúaráðið til fundar við sig, ef þörf krefur.

Aðalfundur.

23. gr.

Í maí eða júní ár hvert skal halda sameiginlegan fund með stjórn safnsins og fulltrúarráði og heitir hann aðalfundur sjálfseignarstofnunarinnar. Á þeim fundi hafa stjórnarmenn atkvæðisrétt eins og fulltrúaráðsmenn. Til aðalfundarinnar skal boða bréflega með að minnsta kosti tveggja vikna fyrirvara. Viðfangsefni aðalfundar og dagsskrá hans skal vera sem hér greinir:

- (a) Fram er lögð skýrsla stjórnar um starfsemi stofnunarinnar fyrir liðið starfsár.
- (b) Afgreiddir eru endurskoðaðir ársreikningar stofnunarinnar fyrir liðið starfsár.
- (c) Birgitta Spur eða sá, sem kemur í hennar stað tilkynnir tilnefningu sína á fulltrúum í stjórn og varastjórn, eftir því sem við á, skv. 10. og 11. gr.
- (d) Fulltrúaráðið kys fulltrúa í stjórn og varastjórn stofnunarinnar eftir því sem við á skv. 10., 11. og 18. gr.
- (e) Kosinn formaður og varaformaður fulltrúarráðsins skv. 22. gr.
- (f) Skipaður löggiltur endurskoðandi fyrir næsta reikningsár.
- (g) Gerðar eru almennar leiðbeinandi ályktanir um starfsemi stofnunarinnar.
- (h) Önnur mál.

Skipulagsskráin.

24. gr.

Skipulagsskrá þessa semur Birgitta Spur og leitar eftir staðfestingu dómsmálaráðuneytisins á henni. Á staðfestingardeggi telst sjálfseignarstofnunin Listasafn Sigurjóns Ólafssonar stofnsett og tekur þá til starfa.

25. gr.

Ekki má breyta skipulagsskránni nema allir í stjórn og tveir þriðju hlutar fulltrúaráðs samþykki breytinguna og breytingin hljóti staðfestingu ráðuneytisins.

26. gr.

Komi til þess, af hvaða ástæðum sem er, að sjálfseignarstofnun þessi verði lögð niður og engin önnur stofnsett með sama hlutverk, eða svipað, af eða í samvinnu við stofnanda samkvæmt 1. gr. eða fulltrúaráð samkvæmt 20. gr., skulu allar eigur hennar renna að hálfu til Listasafns Íslands og Reykjavíkurborgar að tilhlutan menntamálaráðuneytisins.

Ákvæði til bráðabirgða.

27. gr.

Pegar skipulagsskrá þessi hefur hlotið staðfestingu dómsmálaráðuneytisins, skal Birgitta Spur tilnefna einstaklinga í fulltrúarráðið, svo fljótt sem verða má, og kalla það saman á stofnfund og hafa þá tilbúna tilnefningu sína í stjórn. Fulltrúaráðið skal á þessum fyrsta fundi

sínum skipa 2 menn í stjórn og 1 til vara og ráða löggiltan endurskoðanda. Sú stjórn, sem þannig verður sett á laggirnar, er bráðabirgðastjórn, sem hefur umboð fram til maí-júní 1990, en þá skal hún efna til fyrsta aðalfundar sjálfseignarstofnunarinnar. Þar skal velja stjórn til 4 ára og sinna öðrum aðalfundarstörfum.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 30. nóvember 1989.

F. h. r.
Jón Thors.

Fanney Óskarsdóttir.

Fylgiskjal 1:

Listaverk í eigu sjálfseignarstofnunarinnar Listasafns Sigurjóns Ólafssonar við stofnun þess.

Skrásetningarnúmer eiga við Listaverkaskrá LSÓ frá 1985. Listaverkin eru geymd í Listasafninu á Laugarnesi nema annað sé tekið fram.

LSÓ þýðir: Listasafn Sigurjóns Ólafssonar.

LÍ þýðir: Listasafn Íslands.

KKM þýðir: Kristiania Kunst og Metal Støberi A/S í Osló.

- 1 Stúlka, 1928-29, brons.
- 4 Knattspyrnumaður, 1937, gifs. Varðveitt hjá KKM.
- 5a Markmaður, 1937, gifs. Varðveitt í KKM.
- 5b Markmaður, 1937, brons.
- 6 Verðlaunatillaga að verki fyrir Hús barnanna í Kaupmannahöfn, 1937. Rismynd úr gifsi á bogadregnum tréflæti.
- 7a Móðir mín, 1937-38, gifs.
- 7b Móðir mín, 1937-38, brons.
- 9 Thor Jensen, 1946, gifs í KKM.
- 11a Gríma, 1947, brons.
- 11b Gíma, 1947, gifs, h:130cm.
- 12a Sjómaður, 1947, brons, h: 25cm.
- 12b Sjómaður, 1947, brons (vélstækkun á 12a) h:50cm
- 16 Frumdrög að lágmynd, 1950, gifs.
- 21 Svanir, 1954, gifs, í KKM.
- 34 Gunnar Gunnarsson, andlitsmynd, 1964, gifs.
- 35 Einar ríki, frumdrög að standmynd, 1965, óbrenndur leir.
- 39 Lágmynd, tilraun með plastmót fyrir lágmyndir á Búrfellsvirkjun, 1966, steinsteypa. Myndin er brotin um miðju.
- 40a Skrúfan, 1968, steinsteypa í plastmóti.
- 40b Koparhattur á skrúfunu, 1968, kopar.
- 43 Lágmynd, 1968, gifs (frumdrög fyrir höggnað álmyndir).
- 45 Líkan af minnisvarða um Nínu Tryggvadóttur, 1968-69, tré og málmvír.

- 47a Lágmynd, 1968-70, ál.
- 47b Lágmynd, 1968-70, ál.
- 48a Íslandsmerkið, 1969-70, gifs.
- 48b Íslandsmerkið, 1969-70, plast.
- 49 Jón Helgason, andlitsmynd, 1969-70, gifs.
- 63 Hluti af minnismerki um Jón Eiríksson, 1978, steinsteypa.
- 64 Minnismerki um Inga T. Lárusson, 1976, plast.
- 66 Dansinn, 1975, plast.
- 67 Farfuglar, 1975-76, plast.
- 72a Sköpun, 1976, plast.
- 72b Sköpun, 1976, marmari.
- 73a Ég bið að heilsa, 1976, plast.
- 73b Ég bið að heilsa, 1976, brons, í KKM.
- 78 Þrjár grímur, 1976, trésúla á járnteinum.
- 84 Tillaga að minnisvarða um Hermann Jónason, 1977, plast.
- 93 Vísifingur, 1978, tré.
- 97 Blómgun eða Bogar, tré, 1978.
- 108 Tveir bogar eða Hanar, 1979, gifs. Í KKM.
- 115 Fjölskyldan, 1979, gifs í KKM.
- 115b Fjölskyldan, 1979, brons.
- 122 Trésúla á járngrind úti, 1980.
- 162 Víkingur, 1951, brons.
- 163 Félagi, 1977, tré.
- 164 Frummynd að tillögu að Vejle-myndum (skissa 2), 1941, gifs.
Gjöf frá Thoru Raknes 1987.
- 165 Skissa að mynd af Andersen Nexø, ca. 1955, óbrenndur leir.
Gjöf frá Thoru Raknes.
- 166 Hringrás, ca. 1968, gifs. Forvinna að frummynd í kopar sem er í eigu Norræna hússins.
- 167 Höfuðáttir, ca. 1964, gifs og málmvír. Forvinna að frummynd í kopar sem er í eigu LÍ.
- 168 Hermes, 1977, steinsteypa.
- 169 Lágmynd af Aðalsteini Sigmundssyni, 1922 (??).
- 170 Séra Friðrik, ca. 1964, lágmynd í plastelína leir.
- 171 Haus: Thor Jensen, ca. 1934.
- 172 Haus: Selma Jónsdóttir.
- 173 Haus: Guðgeir Jónsson.
- 174 Haus: Óþekktur.
- 175 Haus: Dóttir Einars Sigurðssonar.
- 176 Haus: Hermann Jónasson.
- 177 Haus: Óþekktur.
- 178 Haus: Ingimar Jóhannsson.
- 179 Haus: Agnar Kofoed-Hansen.
- 180 Haus: Steingrímur Jónsson, rafveitustjóri.
- 181 Haus: Kristinn E. Andrésson.
- 182 Haus: Ísak Jónsson.
- 183 Haus: Binni í Gröf.
- 184 Haus: Óþekktur Dani.
- 185 Haus: Bjarni Benediktsson.
- 186 Haus: Ragnar Jónsson í Smára.
- 187 Haus: Belysningsdirektør Børresen.

- 188 Haus: Pálmi Hannesson, rektor.
 189 Haus: Jónas Sólmundsson.
 190 Haus: Astrid Cappelin, 1963.
 191 Teikning eftir SÓ, gjöf frá Kristjáni Guðmundssyni, af Eyrarbakkakirkju.
 192 Teikning eftir SÓ, gjöf frá Vigdísi Ferdinandsdóttur.
 193 Teikning eftir SÓ, gjöf frá Vigdísi Ferdinandsdóttur.
 194 Bútar af „Glataða syninum“, úr dánarbúi Þorvaldar Skúlasonar.
 195 Módel af landhelgispeningnum.
 196 Gifsmódel fyrir mynd úr afríkanskri hnotu sem er í eigu Binnu og Eiríks Smith.
 197 Fyrsta módel af Hávaðatröllinu, 1967.
 198 Ekkjan, 1946, marmari.
 199 Andlitsmynd af H.K. Christensen, 1936, gifs.
 200 Lágmynd af Elsemarie Christensen, 1936, gifs.
 201 Lágmynd af Höllu Lovísu Loftsdóttur og Steingerði Sigurjónsdóttur, 1952-53, gifs.

Fylgiskjal 2:

Skrá yfir fasteignir Listasafns Sigurjóns Ólafssonar.

Safnhús og tengibyggging reist á árunum 1985-1988	Brunabótamat	kr. 28 785 000,00
Íbúðarhús reist árið 1961	Brunabótamat	kr. 5 255 000,00
Innréttingar, húsgögn, sérhönnuð lýsing, stöplar fyrir listaverk, flygill af gerðinni Bösendorfer o.fl.		kr. 6 000 000,00
		kr. 40 040 000,00

Fylgiskjal 3:

Skrá yfir skuldir Listasafns Sigurjóns Ólafssonar 1. desember 1989.

Iðnaðarbanki Íslands hf.	kr. 500 000,00
Brunabótafélag Íslands	kr. 600 000,00
Landsbanki Íslands	kr. 500 000,00
Verzlunarbanki Íslands hf.	kr. 500 000,00
Samvinnusjóður Íslands	kr. 300 000,00
Birgitta Spur (skuld frá fyrra ári)	kr. 508 000,00
Birgitta Spur (launaskuld árið 1989)	kr. 611 575,00
Skuldir samtals	kr. 3 519 575,00